

Der Dekan Roland und das Kapitel von S. Blasius in Braunschweig teilen dem Kanoniker Gottfried von Mackenrode, der dem Stift 70 Mark gegeben hat, eine Precarie zu, die einer großen Pfründe gleichkommt. 6. April 1386

Überlieferung: Wolfenbüttel StA, 7 Urk. 378; Orig. perg., der obere Rand beschädigt, so daß von der ersten Zeile nicht alle Buchstaben vollständig erhalten sind.

Vgl. o. S. 226 f., 228 f.

We van godes gnaden Roland deken¹²⁷, Grubo van deme Dame, Otto van Bodendike, Guntzelin van Oberghe, Cord van Solt(a)w, Bertram van Velthem, Herman van der Zose, Johan van Campe, Johan Brasche, mester Ludelf van Melchow, Cord Kūster unde Dyderik Clingebil canonike des stichtes to sunte Blasiuse to Bruns(wik), de ieghenwordich weren in generali capitulo, dar alle unse heren to vorbodet unde gheladet weren, bekenet openbare in dessem breve, dat de erlike man her Godeke van Mackenrode¹²⁸ canonik des sulven stichtes sunte Blasiuses in groter noed unses stichtes, also dat we gheborghet hadden laten wol veer unde dryttich mark, dar we unsen coer mede holden mosten van wynachten wente paschen¹²⁹, de we uppe dessen negesten paschen io betalen mōsten unde der we anders nene weghe en wysten wenne uppe schaden to nemende, unde vortan dat we bedrōften van deme sulven paschen wente Egidii¹³⁰ den coer to holdende wol dryttich mark, der we ok anders neyne weghe en wysten unde ut unses stichtes ghude nicht ghehebben en künden van groter vorderfnisse weghene der lande van orleghes noed unde van menegher hande anderes groten schaden, de deme stichte overghan syn, uns unde unsem stichte heft gegheven unde redeliken betalet seventich lodighe mark Brunswikescher wichte unde wytte, de we in unses stichtes noed upenomen hebben unde in ghenūd ghekaret hebben, alse vorghescreven is. Dar vore hebbe we eyndrachtliken unde myt vorbedachtem mūde unde umme andere woldaet, de he unsem stichte bewysset heft unde ok noch wol bewysen mach, ghegheven unde ghelaten to synem lyve eyne precarien in unsem stichte to sunte Blasiuse vorbenompt in desser wys, dat we

¹²⁷) Zum Dekan und zu den Kanonikern von S. Blasius siehe Goetting – Kleinau S. 437 f.; Döll S. 306 f.

¹²⁸) Zu ihm siehe auch H. Dürre, Das Register der Memorien und Feste des Blasiusstiftes in Braunschweig, Zs. des Hist. Ver. f. Niedersachsen Jg. 1886, S. 31.

¹²⁹) 22. April 1386.

¹³⁰) 1. September 1386.